


**BOSNA I HERCEGOVINA  
FEDERACIJA BOSNE I HERCEGOVINE  
SKUPŠTINA KANTONA SARAJEVO**



Broj: K1-68-0/5-24  
Sarajevo, 11.04.2024. godine

**PREDMET:** Odgovor, veza Vaš akt broj: 01-04-5869-70/24 od 29.03.2024. godine

Poštovani/a,

Dana 4.04.2024. godine zaprimili smo akt kojim nam dostavljate zastupničku inicijativu koju je podnijela Arijana Memić, zastupnica Skupštine Kantona Sarajevo.

Želimo istaknuti našu čvrstu podršku naporima u suzbijanju nasilja u porodici. Fondacija lokalne demokratije dugi niz godina aktivno radi na suzbijanju ovog problema, te posjedujemo značajno iskustvo u ovom području i svjesni smo važnosti primjene učinkovitih mjera prevencije i zaštite žrtava.

U potpunosti podržavamo formiranje radnog tijela koje bi na mjesečnom i tromjesečnom nivou detaljno analiziralo provođenje mjera i radnji u oblasti nasilja u porodici. U vezi s tim, bitno je imati u vidu i činjenicu da u Kantonu Sarajevo djeluje Koordinaciono tijelo za prevenciju, zaštitu i borbu protiv nasilja u porodici, kojeg čine predstavnici Ministarstva unutrašnjih poslova Kantona Sarajevo, Ministarstva zdravstva Kantona Sarajevo, Ministarstva pravde i uprave Kantona Sarajevo, Ministarstva za odgoj i obrazovanje Kantona Sarajevo, Ministarstva za nauku, visoko obrazovanje i mlade Kantona Sarajevo, Kantonalnog tužilaštva Kantona Sarajevo, Koordinacionog odbora udruženja osoba sa invaliditetom u Kantonu Sarajevo i Fondacija lokalne demokratije.

Dana 6.12.2023. godine potpisan je novi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, što predstavlja važan korak u koordiniranju napora različitih institucija u suzbijanju nasilja u porodici. U skladu sa članom 4. Protokola, u okviru Koordinacionog tijela djeluje i Operativno tijelo koje je sastavljeno od predstavnika institucija, odnosno profesionalaca koji su u direktnom radu sa žrtvom ili počiniocem nasilja u porodici (predstavnici ustanova socijalne zaštite, zdravstvene zaštite, policije, Općinskog suda, Tužilaštva, Uprave policije i slično). Uloga Operativnog tijela je da kroz razmjenu iskustava profesionalaca koja se bave zaštitom od nasilja u porodici ukažu na određene probleme u praksi i ponude rješenja tih problema, te da na taj način putem Koordinacionog tijela direktno utiču na unapređenje sistema zaštite od nasilja u porodici u


Kantonu Sarajevo. Operativno tijelo čine profesionalci koji će biti delegirani od strane rukovodstva institucija u kojima su zaposleni.

Predlažemo da aktivnosti koje su predložene inicijativom, odnosno jednomjesečna ili tromjesečna detaljna analiza provođenja mjera i radnji u oblasti nasilja u porodici, budu obavljene unutar Operativnog tijela, uz povremeno uključivanje prisustva predstavnice Sigurne kuće. Vjerujemo da će na taj način stručnjaci koji su direktno uključeni u rad s žrtvama ili počiniteljima nasilja u porodici moći pružiti važne uvide i ponuditi rješenja za unapređenje sistema zaštite.

Također, želimo istaknuti da je Fondacija lokalne demokratije spremna na saradnju kada je u pitanju rad na rješavanju ovog problema. Kroz godine aktivnog angažmana i bogatog iskustva u borbi protiv nasilja u porodici, naša organizacija je uspostavila čvrste veze s relevantnim institucijama i udruženjima kako bi zajedno radili na efikasnijem suzbijanju ovog problema. Rado ćemo pružiti naše znanje, resurse i podršku u bilo kojem vidu inicijativa ili akcija koje bi doprinijele unapređenju zaštite žrtava i prevenciji nasilja u porodici.

Zahvaljujemo se zastupnici Arijani Mamić na ovoj inicijativi i posvećenosti rješavanju ovog problema. Također, molimo Skupštinu Kantona Sarajevo da nas obavijesti o daljnjim koracima u vezi s inicijativom.



  
Jasmina Mujezinović  
izvršna direktorica  
Fondacija lokalne demokratije